

Broj: 01-33-2713/26

Sarajevo, 30.06.2026. godine

Federalno ministarstvo zdravstva, rješavajući po zahtjevu Zavoda za javno zdravstvo Federacije Bosne i Hercegovine, sa sjedištem u ul. Maršala Tita 9. Sarajevo, i u ul. Vukovarska 46. Mostar, u predmetu određivanja nositelja edukacije iz zdravstvenog menadžmenta na području Federacije BiH, saglasno članu 12. stav (4) Pravilnika o kontinuiranoj profesionalnoj edukaciji iz zdravstvenog menadžmenta („Službene novine Federacije BiH“, broj 25/26), a u vezi sa članom 200. Zakona o upravnom postupku („Službene novine Federacije BiH“, br. 2/98, 49/99 i 61/22), d o n o s i

RJEŠENJE

Utvrđuje se da je **Zavod za javno zdravstvo Federacije Bosne i Hercegovine**, sa sjedištem u ul. Maršala Tita 9. Sarajevo, i u ul. Vukovarska 46. Mostar, nositelj edukacije iz zdravstvenog menadžmenta za područje Federacije Bosne i Hercegovine.

Obrazloženje

Ovom ministarstvu obratio se Zavod za javno zdravstvo Federacije Bosne i Hercegovine, zahtjevom za određivanja nositelja edukacije iz zdravstvenog menadžmenta na području Federacije Bosne i Hercegovine, saglasno članu 12. stav (4) Pravilnika o kontinuiranoj profesionalnoj edukaciji iz zdravstvenog menadžmenta („Službene novine Federacije BiH“, broj 25/26 - u daljem tekstu: Pravilnik).

Razmatrajući predmetni zahtjev za određivanje nositelja edukacije iz zdravstvenog menadžmenta na području Federacije BiH, federalni ministar zdravstva je, posebno cijenio:

- a) da je Zavodu za javno zdravstvo Federacije Bosne i Hercegovine izdato Rješenje federalnog ministra zdravstva broj: 01-33-2712-2/26 od 26.06.2026. godine kojim je utvrđeno da ovaj Zavod ispunjava uvjete prostora, opreme i kadra za obavljanje stručnih poslova iz zdravstvenog menadžmenta saglasno članu 13. Pravilnika, te mu se povjeravaju javna ovlaštenja u oblasti obavljanja stručnih poslova edukacije iz zdravstvenog menadžmenta.
- b) da Zavod za javno zdravstvo Federacije Bosne i Hercegovine:
 - ima dugogodišnje uspješno iskustvo i kontinuitet u obavljanju edukacija iz zdravstvenog menadžmenta, na osnovu Rješenja Federalnog ministarstva zdravstva broj: 06-37-599-1/12 od 27.03.2012. godine, a što je rezultiralo da je ukupno izdano 2.610 certifikata o uspješno završenoj edukaciji iz zdravstvenog menadžmenta za sve tri nivoa menadžmenta (1.156 za osnovni nivo, 867 za srednji nivo i 578 za napredni nivo edukacije);
 - ima status nastavnog zavoda u smislu člana 104. Zakona o zdravstvenoj zaštiti („Službene novine Federacije BiH“, br. 46/10 i 75/13), a u vezi sa članom 13. Pravilnika o uvjetima koje moraju ispunjavati bolnice za dodjelu naziva univerzitetska bolnica („Službene novine Federacije BiH“, br. 85/12 i 100/22), te je jedini zavod za javno zdravstvo u ovom statusu na području Federacije Bosne i Hercegovine.

Imajući u vidu navedeno riješeno je kao u dispozitivu ovog rješenja.

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor kod nadležnog kantonalnog suda, u roku od 30 dana od dana prijema istog, a u smislu čl. 5. i 18. Zakona o upravnim sporovima ("Službene novine Federacije BiH", broj 9/05).

MINISTAR

Dr. Nediljko Rimac

DOSTAVLJENO:

1. Zavod za javno zdravstvo Federacije BiH,
2. Evidenciji,
3. Arhivi.

ZAVOD ZA JAVNO ZDRAVSTVO
F BiH, Sarajevo, Maršala Tita br. 9

Primljeno: 03-07-2026			
Org. jed.	Klasif. oznaka	Red. broj	Broj priloga
M-01	02-01	2-248-3	26

